



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnium Generalium Et Provincialium Collectio Regia

Ab anno DLXXVII. ad annum DXC.

Parisiis, 1644

Epistola LVI. Gregorii Papae I. Ad Episcopos Graeciae. Vt nullus per
praemium ordinetur. Pariterque exponit, quod Dominus cathedras
columbas vendentium euertit.

urn:nbn:de:hbz:466:1-15221

supplicationem aliquos ad sacros ordines consentiatis vel permittatis adduci. Nam & peccatum, sicut diximus, graue est, & sine correptione hoc non patimur remanere. Supra scriptum vero Andream fratrem & coepiscopum nostrum ob hoc tarde suscepimus, quia renuntiante fratre & coepiscopo nostro Secundino didicimus, epistolas vestras sibi eum in Ioannis Larissæi episcopi excusatione finxisse. Et nisi bona vestra nobis quæ audiimus suafissent, nulla illum habuimus ratione suscipere. Data die xv. mensis Augusti, indictione XIII.

EPISTOLA LVI.

GREGORII PAPÆ I.

AD EPISCOPOS GRÆCIÆ.

Vt nullus per præmium ordinetur. Pariterque exponit, quod Dominus cathedras columbas vendentium euertit.

Gregorius vniuersis episcopis per Helladiam prouinciam constitutis.

GRATIAS omnipotenti Deo vobiscum, fratres carissimi, mi, refero, qui latens vulnus, quod antiquus hostis intulerat, ad omnium fecit peruenire notitiam, & de ecclesiæ suæ corpore salutifera illud incisione compescuit. Ex qua re & gaudendum nobis est, & dolendum. Gaudendum quippe de correctione facinoris, dolendum vero de casu fratris. Sed quoniam plerumque alterius casus alterius solet esse cautela; quo quisque cadere timet, attendat, aditum hosti non præbeat, non putet latere quod agitur; nam Veritas clamat: *Nihil opertum quod non reueletur, & occultum quod non sciatur.* Hæc enim vox actionis nostræ iam præco est, & ipso teste modis omnibus adducitur ad publicum quod agitur in secreto. Aut quis actus suos ante illum nitatur abscondere, qui eorum & testis & iudex est? Quia vero nonnunquam dum aliud attenditur, aliud non cauetur; oportet vt contra omnes hostis insidias quisque debeat esse sollicitus, ne dum in vno vincit, superetur in altero. Nam & terrenus hostis, qui munita loca cupit inuadere, pugnandi arte sic vitur. Latenter quidem ponit insidias, & ad vnus loci se expugnationem totus ostendit, vt dum ad defensionem loci illius vbi instat periculum

conuenitur, loca alia de quibus nulla est suspicio capian-
 tur. Et euenit, vt qui cognitus resistentis virtute repulsus
 est, latens obtineat quod certando non potuit. Sed quia in
 his omnibus diuinæ protectionis auxilio opus est, voce
 cordis singuli clamemus ad Dominum, dicentes: *Domine,*
ne longe facias auxilium tuum a me, ad defensionem meam respice.
 Manifestum namque est, quia nisi ipse auxiliatus fuerit, &
 ad se clamantes defenderit, hostis noster vinci non poterit.
 Præterea epistolam caritatis vestræ per Andream fra-
 trem & coepiscopum nostrum suscipientes, pallium Ioan-
 ni fratri nostro Corinthiorum episcopo nos transmisisse
 cognoscite: cui vos magnopere conuenit obedire, præfer-
 tim dum hoc sibi & antiquæ consuetudinis ordo defen-
 dat, & bona eius, quibus ipsi testimonium perhibetis, inui-
 tent. Quibusdam namque narrantibus agnoui, quod in
 illis partibus nullus ad sacrum ordinem sine commodi da-
 tione perueniat. Quod si ita est, flens dico, gemensque de-
 nuntio, quia cum sacerdotalis ordo intus cecidit, foris
 quoque diu stare non poterit. Scimus quippe ex euange-
 lio quid Redemptor noster per semetipsum fecerit, quia
 ingressus in templum, cathedras vendentium columbas
 euertit. Columbas quippe vendere, est de sancto Spiritu,
 quem sibi consubstantialem Deus omnipotens per imposi-
 tionem manuum hominibus tribuit, commodum tempo-
 rale percipere. Ex quo, vt prædixi, innuitur quid sequa-
 tur: quia qui in templo Dei columbas vendere præsum-
 pserunt, eorum Deo iudice cathedræ ceciderunt. Qui vi-
 delicet error in subditis cum augmento propagatur. Nam
 ipse quoque, qui ad sacrum ordinem perducitur, iam in ip-
 sa prouectus sui radice vitiatus, paratior est aliis vendere
 quod emit. Et vbi est quod scriptum est: *Gratis accepistis,*
gratis date? Et cum primo contra sanctam ecclesiam si-
 moniaca hæresis sit exorta; cur non perpenditur, cur non
 videtur, quia eum quem quis cum precio ordinat, proue-
 hendo agit vt hæreticus fiat? Ideoque hortamur, vt nullus
 vestrum denuo hoc fieri patiatur, sed neque gratia ali-
 cuius, neque supplicatione aliquos ad sacros ordines au-
 deat promouere, nisi eum quem vitæ & actionis qua-
 litas ad hoc dignum esse monstrauerit. Nam si aliter fa-
 ctum denuo senserimus, districta & canonica illud noue-

*Psal. 39.*Iuo part. 5.
cap. 108.
Broc. libro
1. cap. 21.
Grat.*Matth. 21.**Matth. 10.*

EPISTOLARVM LIBER IV. 463

ritis ultione compeſci. Data die xv. menſis Auguſti, in-
dictione XIII.

EPISTOLA LVII.

GREGORII PAPÆ I.

AD RELIGIOSOS IN ANGLIAM EVNTES.

Hortatur eos qui in Angliam proficiſcuntur, vt nullis
laboribus perterreantur, ſed inchoata perficiant.

*Gregorius episcopus ſeruus ſervorum Dei ſeruis Domini noſtri
Ieſu Chriſti.*

QVIA melius fuerat bona non incipere, quam ab his
quæ cœpta ſunt cogitatione retrorſum redire, ſum-
mo ſtudio, dilectiſſimi filii, oportet vt opus bonum, quod
cœpiſtis, auxiliante Domino, completis. Nec labor vos
ergo itineris, nec maledicorum hominum linguæ deter-
reant, ſed omni inſtãtia, omnique ſervore, quæ inchoaſtis
Deo auctore peragite; ſcientes quod laborem magnum
maior æternæ retributionis gloria conſequetur. Remean-
ti autem Auguſtino præpoſito veſtro, quem & abbatem
vobis conſtituimus, in omnibus humiliter obedite, ſcien-
tes veſtris animabus per omnia profuturum, quidquid a
vobis fuerit in eius admonitione completum. Omnipotens
Deus ſua vos gratia protegat, & noſtri laboris fru-
ctum in æterna me patria videre concedat, quatenus etſi
vobiſcum laborare nequeo, ſimul in gaudio retributionis
inueniar, quia laborare ſcilicet volo.

Ex Paulo
diacono li-
bro 2. c. 54.

GREGORII MAGNI PAPÆ I.

EPISTOLARVM LIBER V.

INDICT. XIV. ANNO ORDINATIONIS EIUS VI.

EPISTOLA I.

AD MARINIANVM EPISCOPIVM RAVENNÆ.

De teſtamento a Ioanne episcopo condito.

Gregorius Mariniano episcopo Ravennæ.

SICVT iniuſta poſcentibus nullus eſt tribuendus effe-
ctus, ita legitima deſiderantium non eſt differenda